

تول كينچا پورنى

اينتانبول

سنه لك ابونه سي

۵۰ غروش

.....

پوسته اجرتى

۱۰ غروشدر

نسخه سي

۵ غروش

.....

پوسته اجرتى

۴۰ پاره در

شكر امانتى محمد عيسى

شهر امانتى طرفندره آبره بر نشر اولنور

صافی : ۳۱

مارت ۱۹۲۷

سنه : ۳

مختلف مملکتزده

بلای ایدیلشدر

— اوتوزنجی صاییدن مایعد —

اوج نس یاخود مجلسک تصدیقه تعلیقاً ۶ نسل اولارق
ومصارفی اجرائی قبولی اختیاری اولان قانونلره کوره
تحدید ایدیلشدر (واهییتی اصقیری درجه‌ده اولان احوال
یادده خارج بولونقی اوزره هر محلی اداره‌نک کنندی
آرزوسینه نایعدر . محلی اداره اراضی و املاک ویرکیلرینک
بالعموم قیمت تقدیری و توزیع‌یابندن مشول اولان هیئت ،
(امور خیریه اداره‌سی) نک اصل کنندی اعضاسی مایابنده
هرسنه تقریبی ایتدیگی ۶ الی ۱۲ اعضاسدن مرکب
« ویرکی طرحی و توحیدی قومیسینی » در . فقرا
و محتاجین ویرکیلرینک معاشیز تحصیل مأمورلرله معاشلی
معاون تحصیلدارلر هرسنه ، زراعی مناطقه ناجیه مجلس
ویاناخیه جمعیت عمومی‌سی طرفیندن ، و شهرلرده ایسه
« حقوق رسمیه هیئت » یاخود شهر و یا شهر قضاسی
مجلسی جابندن ، تعیین اولونورلر . بونلرک وظیفه‌جه
محتاجینه معاونت ایشلرله علاقه‌سی یوقدر ، فقط قضا
ویاناخیه‌نک شهر مجلسی و یا شهر قضاهیتی طرفیندن مطروح
رسوم عادی‌سی خارجنده محلی ویرکیلرک کافه سینک توزیع
و تخصیصاتی اموریندن مشولدرلر .
مکلفته عائد شکایتلر « ویرکی طرحی قومیسینی »
نہ بیان واستینافی ایچون قونتلق محکمہ عدلیه سینک ایکدیچی
درجه‌سینه مراجعت ایدیلایر .
بونلکه برابر ، الوم (تموز ۱۹۲۵) ملت مجلسلرینک
تذکرینده بولنان لایحه‌نک قانونیت کسب اتمیسه ویرکی
تخصیصلری یعنی تقدیر قیمت اصولی کاملاً ده کیشه جکدر .
بولاجیه نظرآ اموال امیریہ تحصیلات اداره‌لرینک املاک
واراضیه عائد اولانلری زراعی مناطقه (۱۲۰۸۸۲)
عدد دائره‌دن ۶۴۸ دائره‌یه تزیل ایدیله جک ، « ویرکی
طرحی و توحیدی » قومیسینولری لغو اولنه جقلاردر .

تخمین دائره‌لری « قونتلق بورغلری » نده ، اموال
اداره‌لرله استشاره و حفظ تحت عمومیہ نظارتینک تصدیقی ایله ،
قونتلق مجلسینجه تعیین اولنان حدود داخلینده تشکیل
ایدیلش اولاجقلاردر .
هر تقدیر قیمت منطقه دائره‌سی ایچون قونتلق
بورغلرینده کنندی شهر مجلسلری و قونتلقلرده قونتلق
مجلسی ایله برلکده امور خیریه اداره‌لری و علاقه‌دار
مناطقک تحصیل اموال شعبه‌لری طرفیندن بر ویرکی
طرحی قومیسینی تشکیل و تعیین ایدیله جکدر . اشکاده
اطراد و تساوی حصولی ایچون‌ده قونتلق مجلسی اعضاسی
واو منطقه اراضیسینک مختلف ویرکی قومیسینولری
محتوی « قونتلق تقدیر قیمت قومیسینولری » بولوناجقلدر .
محلی اداره‌لر هریش سنه‌ده ویرکی تقدیر قیمت دفترلری
تنظیمنه مجبوردرلر ، بو دفترلر ایراد اوزرینده مطروح
ویرکی‌ده داخل اولقی اوزره بالجله تکالیف محلیه
شامل تقدیر قیمت عملیه‌سینک اساسینی تشکیل ایدیه جکلردر .
مالیه خزینہ‌سی اسرتولو مواد اذنامہ‌لری ، کومروک
و مشروبات کتولیه رسمیه وراثت ویرکیلری حاصل-
یندن بر قسمینی محلی اداره‌لره ویردیگی کبی ، بونلره
تعلیم و تدریس ، پولیس ، فقرای معلولین ، طرق و معابر
و بعض امور صحیه و حفظ تحت عمومیہ خدماتی ایچون‌ده
معاونت تقدیرده بولونور . بو معاونتلرک درجه‌سی ، عائد اولدقلری
امور و خدماتی آرزوق خوشنود ایدیه جک برنیده‌در .
دولتک ویرکیلری و معاونت تقدیرسیله قایا بمش
اولان مصارف عمومی (دیگر واردات منبرلری بوندن
خارجدر) نک مختلف شعبات حکومت اعتبارله ۱۹۱۹
۱۹۲۰ بودجه‌سندہ کی نسبتلری آئیده کوستریشدر :

رد ایتمک، اھمال و یا سوء استعمالدن منبعث هر نوع ضرر و زیان و تلفی مسئولی بولان اعضا و یا مأمورک ذمت و تضمینی حسابنه کچیرمک بومیزلرک صلاحیتی داخلدهدر. بو تضمین کیفیتی ایچونو یا حفظ صحت عمومیه نظارتینه دیگر بر صورت و واسطه اولان دیوان عالی به مراجعت ایدیلایر. تشمینلر قانونه صراحةً مخالف اولسه بیله ناظر

آزوا بئدیکی حالد صایعی مسئله یه اوده تمک صلاحیتی حاضردر حفظ صحت عمومیه ناظری، تحریری بر اخطاردن اوچ کون سوکرا، قضا مزینه، محلی اداره لر دن برینه عائد و علی العاده تدقیقه معروض حسابات عمومیه سینک فوق العاده اولارق تصدیقی هر وقت امر ایدیلایر.

بعض خدمات عمومیه عائد تشکیلات

۱ - حفظ صحت و صحت عمومی

بحیه دائرملری «بورغ» ایله شهر و زراعت قضا لر ی مجلسلریدر. بو اداره لر حفظ صحت عمومیه و امور بحیه قانونیه دیگر قوانینه توفیقاً يك واسع بر صلاحیتله ایقای و وظیفه ایدر لر. دیگر لری کي، بو وظائف ایچونده بو مجلسلر مأمورین مخصوصه سینی تعیین ایلر. بونکله برار «بحیه مأموری» و یا «بحیه مفتشی» مأمورین دائمه سینک عزل لری ایچق حفظ صحت عمومیه ناظرینک موافقتله قابل اجرادر. دولتک معاونت تقدیمی ده مأمورلرک معاشاتی فصلی ایچوندر.

حفظ صحت عمومیه و انشاعات تعلیماتمه لرینک حفظ صحت عمومیه ناظری طرفیندن تصدیقی شرطدر. شهر و زراعت و بوزلرک مختلط اولانلری حقننده تعلیماتمه نمونه لری تأییت ایدیلشدر.

بو فصله عائد مضار فک باشلیجه مرکز و منزللری لغملر شککری، صو بریکیشلری، سورونتورلرک نقل و احماسی، خسته خانه لرک تنظیم و اداره سی و بوکا مائل سانا توربوم و سائر نک باقیملری نقطه نظریندن تشکیل ایدیلشدر.

بولردن سوکرا عمومی باغچه لرله ایوون میدانلری، حماملر و بیقاناچ لر، و دوغوم تاسیساتیه فقیر جو جو قورل خیرخانه لری کلیر.

قوتلقلر مجلسلری ۴۸٪

قوتلقلر بورغلری مجلسلری ۳۳٪

بورغلر ۲۶٪

شهر قضا لری ۱۸٪

زراعت ۱۰٪

ارض و املاک و بریکیلرله دولتک معاونت تقدیمی خارچینده محلی اداره لرک یکنانه واردات منبعلری: سته لک مکفیت مقطوعه و ثباته لرله بلدی لرک تعهدات و التزاماتی حاصلیدر. بر قانون مخصوصه صلاحیت و بر دیگر بر ایالتک و اکثریا حفظ صحت عمومیه نظارتینک اذینی آلمسزین محلی اداره لرک استقراض عقیدینه حقلری یوقدر. بر استقراضک عقیدیندن اول نظارتک، بونکله پایله حق فوق العاده انشاعات و تاسیساتک لزومینی تصدیق، پروژه - لرینک اعتنا و تصرفه رعایتله تنظیم ایدیلرک احتیاجک درجه سینه موافق و بورجی یوده جک قضا قدرت و وضعیت مالیه سینک بوکامساعد اولدیفندن امین بولونماسی اولدندر.

«بورغ» لرک اکثریتی مستثنا اولق اوزره بوتون محلی اداره لرک حساباتی، حفظ صحت عمومیه نظارتینک مأمورین دائمه سیندن اولان قضا مزینلری طرفیندن تدقیق و تفتیش ایدیلر. بورغلرک حساباتیندن تعام و تدبیر و انشاعات ماده لری یینه بوزلر طرفیندن تفتیش ایدیلر سده، بالذات شهر مجلسینک طلبی و یا حساباتک ساز اولارق بعض اسباب خصوصیه بناء رؤیتی لزومی اولمادقچه بو میز لر بورغ حسابات عمومیه یینی تدقیق و تفتیش ایدمه زلر. حال طبعیده بورغلرک حساباتی، بری بلدییه رئیس و ایکسی شهر مجلسی اعضا لئه اهل اولوبده فعلاً اعضادن اولمایان معتبر ذوات مابیندن منتخب اوچ کیشی طرفیندن و تصدیق اولونور. حساباتده، وارداتکده مضار فک کبی دوغرو، و مختلف محلی اداره لر مکفیت و وظائفینی تنظیم ایدن قانونلر و نظاملر احکامینه مطابق اولدیفنی و بیلا نچولرینک وضعیت مالییه یی تام و دوغرو اولارق کوستردیکنی تأمین ایتمک بومیزلرک وظائفی حمله سیندندر. غیر قانونی مصرفلرک (تولوق ایدیلشمش و یا فاحش اولان فاتوره لر و تأدیاده داخل) و یزه سین

وظائف نوعیندن اولق اوزره محلی حکومتلر طرفیندن اداره ایدیلر . بونکله برابر بوتشکیلات دولت مرکزی براداره سی اولان « معارف » یعنی « تعلیم و تدریس اداره سی » نظامیانه تابعدر .

ایلك تدریساتک محلی اداره اعتبارله مرجعی « قونلاق بورغلری » ایله ، ۱۹۰۱ ده نفوس مقداری ۱۰۰,۰۰۰ یکن دیگر « بورغ » لرك مجلسلری وعینی سنده نفوس مقداری ۲۰۰,۰۰۰ ی متجاوز شهر قضالری مجالسیدر ؛ بونلرك غیری برلرده قونلاق مجلسلریدر . ایلك تدریسات وظایفیه مکتب لرك طی خدماتی ده داخلدر . هر مجلس ، معارف اداره سی طرفیندن قبول و تصدیق ایدیش پروژهیه توفیقاً بر تعلیم و تدریس قومیسونی تشکیلنه مجبوردر . بوقومیسونه داخل اولاجق اعضا دیگر جماعتلر و صفلر طرفیندن کوسترین نامزدلر و یا توصیه ایدیلرله تعلیم و تربیهده صاحب تجربه اولان ذوات و برنست عددیهه قادیلردن اولق اوزره ترتیب اولونورلر . مکتبلرده معلمک ایدیلر مجلس اعضاسندن اولماقداری حالدده بوقومیسونه عضوا لارق داخل اولایلیرلر . مجلس ، ویرکی طرحی بازارا ستقرارل ضندن ماعداتعلیم و تدریسه عائد کافه وظایف و صلاحیتلریه بوقومیسونی توکیل ایدهیلیر .

ایلك تدریسات مکتبلرینک فعلاً اداره سی محلی اداره لر طرفیندن ، و محلی ادارهیه تابع اولمایانلرده قسماً بو اداره و قسماً مؤسسه نك تشکیلاتیندن مشول زمره طرفیندن تقریق و تعین ایدیلن مدیرلر واسطه سیله تدویر اولونور .

تعلیم و تدریس مصارفینک یاریدن زیاددسی دولت معاونت تقدیه سیله قاپاتیایر . طلبه مکلفیتلری و خیرات موقوفه ایرادلی ... الخ ایله قاینامش اولان فرق محلی ویرکیدن تسویه ایدیلیر .

۳ - طرق و معابر

قونلاق بورغلری مجلسلری کندلی قضالرینک بوتون یوللریندن مشولدرلر . بونک خارچینده کی قونقلار مجلسلری ده بوتون « مین رودس » لردن مشولدر .

حفظ صحت عمومییه خدماتی ایچون صحیه اداره لرینک مصارفی بوتون مملکت ایچون ۱۹۱۹ - ۱۹۲۰ سنه لک بودجه سینده آدام باشینه ۱۳ شیلین و ۳۰ پنهس ایدی . بومصارف املاک و اراضی ویرکیلی ایله همان کاملاً قاپاتیلمشدی .

قونقلار مجلسلرینک حفظ صحت عمومییه وظایفیندن بالخاصه ورم و فرفرنکی خسته لقاری مجادله سیله صولرك کبرلنه سینده قارشى تدابیر اتخاذی ، حیوانات امراض مستولیه سی قانونینک تطبیق و بیه جک و ایچمچک لرك تحلی ذکر اولنور . بومجلسلر کذلک قابله لره نظارت و دیگر شعبات اداره ایله متفقاً دوغوم و فقرای اطفال خیراتخانه لری پروژه لرینک اجرا سینده مرجع اولورلر . قونلاق « بورغ » لری مجلسلری بو وظایفی کندلی دائرة لری حدودی ایچینده وعینی زمانده صحیه اداره لری نزدینده ایفا ایدیلر . بو خدماتدن بعضلرینک ایجاب ایتدیردکی مصر فلرك قسم اعظمی دولت معاونت تقدیه سیله قاپاتیایر . هر « قونلاق مجلسی » ، حفظ صحت عمومییه نظارتینک تدابیر عمومییه نوعیندن امر و ترتیب ایتدیکي بعض وظایفه قونلاق مجلسی طرفیندن کوسترین دیگر بوتون وظایفی ایفا ایله مکلف بر « حفظ صحت مفتش طیبی » تعیننه مجبوردر . لیانلر صحیه اداره لری بعض قضالرده اجنبی مملکتلر امراض اتانیه سینک دخولیه قارشى محافظه یی تأمین ایچون مؤسسدرلر .

هر قونقلرده و قونلاق « بورغ » یینده ملی سیغورطه و حفظ صحت عمومییه قانونینک تطبیقینه خاص اجتماعى سیغورطه قومیسونلری واردر . بونلرك ۲۰ ایله ۴۰ عددی آراسینده کیشن اعضالرینک بشده اوچی سیغورطه ایدیلشلرك مثللری ، بشده بری قونلاق و یا « قونلاق بورغی » نك انتخاب ایتدک لری اعضا وصول بشده بری ده اجرای صحت ایدین طیبیلر و غیرلریندن ترک ایددر . بوتشکیلات اصلاً بر اداره محلیه شعبه سی و یا قسمی اولماقداری کی برکونه تحصیل اموال صلاحیتی ده حائز ده کلدرلر .

۲ - تعلیم و تدریس

دارالفنونلره بونلره مائل مؤسسادن ماعدات معارفک بوتون اشکال و درجانیه عائد تشکیلات ، طیبی و علی العاده

یولار آچه بیلیرلر سده ، قاعده عمومییه کوره ، کذرکاه اوزرینه تصادف ایدن اراضینک صاحبلی ، کندی حصه لرینه دوشن انشات مصرفنی علی اداره طرفندن ، مسئولیتی اوزرینه آلمق سزین - تثبیت ایدیلن نسبت داخیلنده تأدی ایده لر .

۴ - معاونت اجماعیه

انکلیز لک فقرا مکلفیتی ۱۹۰۱ تاریخی و شیمیدکی تشکیلات و اداره اصولاری ایسه ۱۸۳۴ تاریخی قانونله تابعدر . بواضله نظراً فقرا مکلفیتلری قانوننک تطبیقینه مأمور اولانلرک وظیفه سی یوقصولغه دوشمش کیمسه لک ، بابالذات مراجعتلری یاخود بونلر حسابینه آخرک مراجعتی ایه ، احتیاجاتینه ، کندی تقدیری ایه ، امداد و معاونتدر . بونک محلی اداره سی « فقرا مکلفیتی مدیرلری » یاخود « امور خیریه دائره لری » واسطه سیله تأمین ایدیشدر . بواذله لک اعضا سی هر ناحیه یاخود هر « ناحیه لر برلکی » انتخاب هیئتلری طرفندن اوچ سده مدته منتخب ذواتدر . برلک لک محدودلری هر هانکی دیگر محلی اداره لرک کینه تصادف ایدر و یا ایجه بیلیر . زراعی ناحیه لره زراعی قضا مجلس اعضا سی قضانک داخل بولوندی برلک ایچون « امور خیریه دائره سی » نی تشکیل ایده لر .

امور خیریه دائره سینک تعیین ایتدیکی باشلیجه مأمورلر اداره نک کاتب عمومیه سیله معاونت مفتیشدر .

هر « امور خیریه دائره سی » کرک اقامتگاه کرک مؤسسه تاه معاونت ایدر و بومؤسسه لر دن خسته لره آیریش سحت یوردلری ، قضانک مکتب پالنسورلری ، جلیز و صرع لی چوجوق و اچاقلری اولان قراغایله برابر بر جوقلر نی قونترولی آلتینده بولوندیمرق اوزره احتوا ایده بیلیر . حفظ سحت عمومییه ناظری فقرا مکلفیتی قانونی احکامینک تطبیقاتینه متعلق کافه امور و خصوصات جاریه نی مفصل صورتده ، تعلیمات مخصوصیه توفیقاً مفتش و نمیزلری واسطه سیله دائماً نظارتی آلتینده بولوندورر . بوندن باشقه ، مأمورلرک تعیین و عزل لر ی مطلقاً نظارتک موافقتیه محتاجدر . امور خیریه دائره لری مصارفنک ال بوبوک

فقط بوتعبیر غیر مطلق بروضف اولوب یالکزر - ۱۸۷۰ ده موجود بولونمسی مروریه رسمی مدخل مخصوصینی محتوی اولانلردن ماعدا - قونشاق مجلسینک بالذات « مهین رودس » دییه اعلان ایتدیکی یوللری تعریف و مراد ایدر . بوبوبولرک دیگر لرینه نسبتله درجه اهمیت بر قونشقدن دیگرینه نظراً چوق ده کیشیر . بو « مهین رودس » دن باشقه بوتون سوقاقلر و عمومی یوللرک اداره سی بورغلر ، شهر و زراعت قضالری مجلسلری طرفندن اداره ایدیلیرلر .

۱۹۱۹ ده وجوده کتیرلین « نقلیات نظارتی » یوللری مملکتک هر طرفینده بر اولاق اوزره زیرده محرر صغله آیرمیشدر :

صنف ۱ - باشلیجه یوللر ، یاخود چوق حرکت و جولانی اولان بوبوک دامارلر .

صنف ۲ - برنجی صنفده تعریف اولونانک غیر یلک مهم کچیدلر یوللری .

صنف ۳ - اهمیت آز اولانلرده داخل بولونمق اوزره دیگر یوللر و سوقاقلر .

دولت بعضی احواله بونلردن برنجی و ایکنجی صنف ایچون ، مقداری بعضاً بوتون یاقیم مصارفنک % ۷۵ نه بالغ اولان و متخذاصول موجبجه % ۵۰ سی برنجی صنفه و % ۲۵ ی ایکنجیه ی مخصوص بولنان معاونت تقدیه ابفا ایدر . بوندن باشقه ، مجدداً مهم دامارلر آچق و انشاتیمک ایچونده واسع مقیاسده تقدی معاونت تخصیصاتی واردر . نقلیات نظارتی بوبولده مستخدم مهندسلر و فن مأمورلرینک ، تعیین و عزل لر ی کندی تصویبینه عرض اولونمق شرطیله ، مختصات و معاشلرینک نصفینی ویرمکی قبول ایدر . نقلیات نظارتینک اداره ایتدیکی مبالغتک مجموعی اوتوموبیللر اوزرینه مطروح رسومدن حاصل اولور .

محلی اداره لرک طرق و معابر باقیمینه عائد مصارفینک دولت و معاونت تقدیه سیندن خارج قسمی ویرکی ایه قاپایر . محلی اداره لر ویرکیه مراجعت صورتیه یکیدن

قسمی محلی ویریکلره قاپتایلیر فقط دولت ده معاونت تقدیه سیله اشتراك ایدر .

۵ - پولیس

« لوندرد » نك « سیت » سی ناحیه محاسینك قونترول آلتینده كندی خصوصی پولیسینی تشكیل ایتشدرد . « سیت » نك خارچنده « لوندرد قونسانی » ، یالكیز ضابطه اهوری اینون ، پك كینش ومدور برحدوده بو یوتولش حالده « شهر قضا مرکزی پولیس » شكلی آلیر . بوقضاشکینده کی پولیس اداره سی داخله نظارتینه تابع و پولیس عمومی قومیسرلکیندن متشکلدرد .

مملکتک اطرافنده کی متعدد « بورغ » لرك شهر مجلسلریندن چقمه برر قومیسسیون ایله اداره ایدیلیر کندی پولیس قوتلری واردرد . بوقومیسسیونک اعضا عددی ، بلدیہ رئیس ده داخل اولدینی حالده ، مجلس اعضای عددینک اوچده برخی تجاوز ایدمزد . ایوم نفوس مقداری ۲۰.۰۰۰ دن آشاغی اولان هیچ بر « بورغ » ده آیرجه پولیس یابلاماز و تطبیقاده بومقدار یکریمی بیکدن ایجه یوسک اولارق قبول ایدیلکده در . مملکتک متباقی اقسامینده کی پولیس اداره سی ، محکمه طرفیندن اوچر آتاق جلسهلره تعیین ایدیش برقاچ « ورکی حقوق دیوانی » اعضاسیله بونلره مساوی عددده قونسلق مجلسی اعضاسیندن ترکیب ایدن دائمی و مختلط بر قومیسسونه محولدر .

پولیس قوتینک اداره سی بر پولیس ضابطی یاخود صالح مأمورینه تودیع و بو امری داخله نظارتینک قونترولی تحنده - عزلی صلاحیتینه حازر بولونان - دائمی مختلط قومیسسیون تعیین ایدرد . پولیسک یازی مصارق ، حسن اداره و محافظه سینک موجب مثنویت اولدیغه دائر داخله نظارتی طرفیندن بر شهادتنامه نك ابرازیلده دولتک معاونت تقدیه سیله تسویه اولونور . باقیسی محلی ویریکلره تأمین ایدیلیر .

محلی پولیس اداره لرینه رخصتنامه یاخود دولت معاونت تقدیه سینک کری آلتیسی صورتیله اجر ایدیلن

قونتروله علاوه افراد وضابط عدد ومقدارینک تئییق و - ملت مجلسلرینه عرضی مجبوری نظاماتدن اولان - اداره سیله تشکیلات وظائفی احتوا ایدن اساسلرکوضی ایله برابر تخصیصات ومعاونت مقدارینک صورت قطعیده تعینی ایچون ولوضعی یاخود مطلق صورتده اولسون داخله ناظرینک قبول وتصدیق مجبوریدر .

نتیجه

انکلیز محلی اداره اصولینک بری آوروپاده کی اساسلردن بوسوتون فرقی ، هر نه صورتله اولورسه اولسون ، حکومت مرکزی طرفیندن تعیین ایدیلن بر مأمورک وظیفه دن دولایي اتهام ایدیله سی وهرخصوصه مسئول اولان مقاملرک منتخب مجلسلر اولماسی ومسئولیتلرک بونلره توجه ایتمه سیدر .

دیگر جهتدن ، انکلیز محلی اداره هیئتلری ، کندیلرینک رسماً صورت خصوصه در مرجع عدا ایدیله - دکاری هیچ بر امور ومعاملاتی اجرا ایدمزد وبوندن دولایي بالفرض معین بر مقصد اولمادقه اراضی ساتین آلفه صلاحیتدار اولمازلر . بونکله برابر بو محدودیت ویا عدم صلاحیت ، ایلمک نظرده کورولدیکی قادار صیق اولمایوب وظیفه وصلاحیتک قانونله تودیفندن اعتباراً چوق کینش طاورانیلیدی کی قوانین مخصوصه ایله بالآخره علاوه ایدیلن بعض صلاحیتلر استحصالی ده نمکندرد . فضله اوله رق برده ، کندی وظیفه قانونیه لری داخلینه کیرن کانه مواددن دولایي ایجاب ایدن مصرفلری قاباق ایچون ویریکلرک تحدید ایدیله مش اولان مجموعه لرینه علاوه ایدیه سیله لری ، باشقه اداره اصوللرینده نادر تصادف ایدیلن برسرستی تشکیل ایلر .

کذا ، استقراض عقدی خارج اولقی اوزره - که بوده بودجه نك قارشیلشدیریلوب حسابانک قاپانه وتصدیق ایدیمک لزومی کی - بعض احوال فوق العاده اولمادقه محلی اداره لرک امورمالیه سینه متعلق قیود وتدابیر جمله سیندن مافوق مقامک هیچ بر امر واطخارینه احتیاج حس ایدیله مسی ده شایان دقتدر . بونکله برابر ، دولتک معاونت

تقدیه اصولی ، بو صوک سنه لر ائناسینده ، حکومت مرکزیه نك كیتدکجه کینشله بن قونترولی ایجاب ایتدیر . مشدر ؛ بوکاده سبب معاونته محتاج اولان ایش و خدمت نه ایسه تخصیص ایدیه جک پاره نك ایا تله طرفدن تصدیقه تابع طو تولهش اولماسیدر . مرکزیتک بو قویه سی بالخاصه بر مرکزیت سیاستی تعقیبدن زیاده محلی اداره لرده اصل ملی اوصاف عرض ایدن وظائف و خدماتک ایفاسی ایچون . ونلرک اداره مجلیه نه تودیه نه مقابل دولت خزینه سیندن معاونت صورتیه محلی مکلفلرک مدعیاتیه بناء قبول ایدیلشدیر .

انککترده کی اداره اصوللرینک تنوعی و بر اصول ایچون دیکرخی ترك ویا ترجیح آرزوی دائمی سی ، « بورغ » لر و بلدی قضالر حدودلرینک زراعی قضالر حسانیه و ضرریه و قونشاق بورغلرینک قونسلرله تمدید و توسیسی کی ناحیه لری هب بر موسای درجه ده اولان یا خود نه ضالیعینده سریع بر انکشاف ونده کویلردن شهرلره دوعرو قوتلی بر نفوس جریان بولونمایان یرلرده غیر واقع مشکلاته منتهی اولمقدردر .

بو مسأله نك شدت اهمیت ۱۹۲۳ ده بر « قومیسون قرالی » نصب و تعین ایجاب ایتدیر مشدر ، بونک وظیفه سی اقسام مملکتک آنه نك موافقتیه ، وسعیه و مختلف اداره مجلیه شعباتینک وظائفیه دائر و صایابی احضار و تنظیم ایتک ایدی .

لوندیره شهریه بوکاتمتصل قضالر تشکیلات اداره سینده تعدیلات اجرایی لزومی تدقیق مقصدیه یاپیلان بر « قومیسون قرالی » نك ۱۹۲۳ ده تقدیم ایتدیکی لایحه سینده لوندیره شهریه ه محدود اولان کوچوک قضا لرك دله ا و بونک دوائر اداره حالینده جمع و توحیدی ایله لوندیره واصلالینده کی قونسلر ایچون ، وظیفه سی شهر تنظیماتی و مساکن انشائاتیه باشلیجه « قانالیزاسیون » تاسیساتی حقته هر برینک عائد اولدینی نظارته رای و مطالعه سین بیاندن عبارت اوافق بر استشاری قومیسون تشکیاتی توصیه ایتشدیر . تعلقات مسائلینده تعلق ایدن بو توصیه محتویاتیندن بر قسمی ، لوندیره شهریه ه محدودی اولان

قونسلر حرکات و جولان عمومیسی ایچون بر استشاره قومیسونی وجوده کتیر بونک صورتیه اجرا اولونمشده دیکر موادی حقینه هنوز برشی یایماماشدر .

تقدیر قیمت و طرح رسوم اصوللرینده تعدیلات اجراییه متعلق بر قانون لایحه سی ۱۹۲۵ ده ملت مجلیسینه و بریلشدیر . امورخیریه اداره لرینک حالا عهدلرینده محافظه ایتدکده اولدقلری وظائفک دیکر محلی اداره لر آراسینده توزیی مسئله سی ده نظر دفته آلتیش و حکومت بو مسئله ایله یقینه مشغول اولاجنی خبر و بر مشدر .

مأخذلر

« انگلیش لوقال غوودرنه » — (ردلیخ - و - هیرش ۱۹۰۳) . (سیدنه ی) و (به آتیس و ب) اسملرینده کی مؤلفلرک بش جلد تشکیل ایدن « انگلیش لوقال غوودرنه ن فرومدی رده وولوسون توزی مونسپال قورپوریشن آقت » اری .

« رووایال قومیسون » ک محلی حکومت اوزرینه برنجی راپوری (۱۹۲۵) .

انککیز امور بحیه عمومی اداره سی . « ب . ژ . به نینتون » — ۱۹۱۵ .

بلدی ، اداره مجلیه مجموععلیه « ذی اوفیسبل غازده اوو ذی قونتری قونسل اسوسیه ش » جریده سی .

حفظ تحت عمومی نظارتینک سنه لک راپوری ... اسخ

ب — اسقوجیا

اسقوجیانک محلی اداره اصولاری نه قادر انککتره نك و « غال مملکتی » نککینک عینی اساسلر اوزرینه قورولش ایسه ده خصوصی انکشافات تاریخیه نتیجه سی بعض مهم نقطه لرده ایجه فرق واردر .

ناحیه لر

باش باباسلق یا خود « ناحیه » اسقوجیاده محلی اداره نك ایلاک جزؤ فریدیر ؛ بونا حیه زراعی ، بلدی اولدینی کی ، لک بونوک شهرلرک اکثریا باشلی باشینه بر ناحیه اولماسی و حال بوک کوچوکلرک تماماً یا خود قسماً زراعی اراضی

و توابعیله بر ناحیه تشکیل اتمی ایله بر پارچاسی بریندن دیکری اوته کیندن ترکب ایتشده اولاییلیر . اسقوجیا ناحیه لرنیک عددی ۸۸۷ در .

اسقوجیاده اون طقوزنجی قرن اورتالرننده ، عجزه و فقرایه یاردمله مکلف کلیسا مجلسلرنیک برینه قائم اولوق اوزره تأسیس ایدیلن « ناحیه اداره خانه لری » نه بدل ۱۸۹۴ ده منتشر بر قانونله « ناحیه مجلسلری » تشکیل ایدیلشدر .

بونلر ابتدائی صورتده ، قانون ایله معین فقرا باقیم اداره لریدر و « بورغ » لرده باشقه شیلرله مشغول اولمازلر ؛ فقط زراعی ناحیه لرده یاخود مختلط ناحیه لرك زراعی قسملرننده ، اوبون یرلری صاحی اواق ، عمومی کتبخانه لر تأسیس اتمک و مروریه رسمی حمایه ایلکده داخل اولدینی حالده ، انکلیز ناحیه مجلسلری وظائفیک اکثرینه مالکدرلر .

ناحیه لر مجلسلری اوچ سنه مدتله منتخب (۵ دن ۳۱) ه قادر اعضاءن مرکبدر . یاری زراعی یاری بلدی ناحیه لر (مثلا بر بورغک حدودیندن بر پارچا اولان) ده زراعی قسمی تمثیل ایدن جزؤ بر زراعی قومیسسیون حالنده بولوناروق فقرایه عائد قانون احکامک غیری کافه معاملاتی مجلسک هیئت مجموعه سنجه تقرر ایتدیریلنلردن مستقل اولاروق اداره ایدر . بونکله برابر بو زراعی مناطقدن سکهنه سی بوزکیشی نی تحیاوز ایتن یرلرده ، اسقوجیا بحیه دائره سینک او علاقه دار زراعی منطقه ده مقیم ناحیه منتخبلردن لک آذربش کشینک طلی اوزرینه امر مخصوص اولمادقجه زراعی قومیسسیون تشکیل ایدیلر .

بورغلر

محلی اداره لرك شهر برلککری « بورغ » اسمینی آلیرلر . بونلرك اوچ درجه سی وارد :

(آ) قرالی بورغلر . امرنامه قرالی ایله تشکیل ایتشلردر . بو صورت تشکلی ۱۷۰۷ تاریخندن بری تکرر ایتمه مشدر .

(ب) پارلمنتور بورغلر . بونلر ۱۸۳۲ اصلاحات قانونی ایله احداث ایدیلشلردر .

(ج) پولیس بورغلری . اسقوجیانک بورغ پولیسلری قانونه توفیقاً (۱۸۹۲) ده کی سقوتلاند اوقت تشکیل اولونشلردر .

۸۳ عدد اولان قرالی و پارلمنتور بورغلر ، نفوس مقداری ۷۰۰۰ دن آشانی اولدینی یاخود مخصوص بر پولیس هیئتی بولوغادینی تقدیرده قونلاق مجاسیندن بوس بوتون آیری و سربستدرلر .

پولیس بورغلرینک ۱۹۲۴ ده کی عددی ۱۱۸ ایدی . بونلر نفوس مقداری ۷۰۰۰ دن آشانی اولان قرالی ویا پارلمنتور بورغلر وضعیتده درلر ، چونکه وظیفه لری قونلاق اولمایان انکلیز بورغلرینک هان طبقیدر .

بر « پولیس بورغی » قونلاق باشلیجه آمر و حاکمی اولان « شریف » طرفیندن احداث ایدیلبلیر . لک آشانی یدی عائله رئیسک مسکون بر موقعک یعنی بر قصبه ، بر کوی یاخود سکهنه سی ۷۰۰ کیشی ویا بونک فوقده اولان بر یرک حدودینی تثبیت ایتسیله واقع اولاجق طلی اوزرینه « شریف » بو طلی عمومه بیلدیردک بوتون علاقه دار زمردنک اتفاقله او موقعک طبیعه لر بر قصبه اولدینی و « پولیس بورغی » شکینه افرانی حقتده رایه مراجعت ایلر . بالاخره یدی یاخود داهایا زیاده عائله رؤساینک طلی اوزرینه ده بر عائله رئیسلری جمعیتی طوبلاماسی ایجاب ایدر ، و بوجعت تکلیف واقعه موافق بر قرار اتخاذ ایتدیکی صورتده اوزانک پولیس بورغی اولدینی اعلان ایدیلر . بوتون بورغلرك ادارى عضوی ، اعضاسینک هر سنه ثانی دکیشن و اوچ سنه مدتله انتخاب ایدیلن شهر مجلسیدر . بو مجلس ، انکلتزه ده کی « آلدورمن » و بلدیه ریسی مقاملرینک مقابلی اولان « بای » و « پوده وو » نی انتخاب ایدر . بونلرك مأموریتی اوچ سنه سورده و معاشلری بوقدر .

۱۹۰۰ تاریخیندن صوکر احداث ایدیلش اولان بورغلرك هپسینده اعضانک عددی ۹ دن طقسانه و « بای » لرك

عددی ۳ دن اون بشه قادارد . بو مقدارلر نفوس عددینه کوردهدر .

قوتقلر

اسقوجیا ۳۳ قوتلغه منقسمدر . بولاردن اون بدیسینک ۱۹۲۱ ده کی نفوس مقدارلری ۲۵۰,۰۰۰ دن آشاغی ایدی و سکرینک نفوسلری اون بیکه ایشمه میوردی .

قوتناق مجلسلری ۱۸۸۹ ده تاسیس ایدیلش و قوتنلغک ، املاک ایرادی سنوی ۱۰۰ انگلیز لیراسینه بالغ اولان بوتون ملک صاحبیلرندن مرکب مصارف قومیسرلری ، قوتنلغک یولار مأمورلری و حاکم یعنی قاضیلرک امور اداریه تعلقی ایدن درجات و وظائف ده داخل اولدیغی حالده و قتیله موجود بولان متعدد شعبات امورینی رؤیتله مکلف قیلمشلردر . بومجلسک اعضاسی اوچ سنه مدتله وانتاکلرته قوتنقلاری مجلسی اعضاسی اولینه توفیقاً انتخاب ایدیلرلر . بورغلرک مثلالری مستئنا اولارق رأی عام اصولیه منتخب ده کلدزلر ، فقط کندی ایچلریندن شهرلر مجلسلرنجه تفریق اولونورلر . بو مثلالر مصرلجه کندی بورغلرینه دو قونغان یاخود بورغلرینه برورکی علاقسی اولمایان مسائل حققدهر رأی استعمال ایتزلر . قوتنلغک رئیسلی کندی ایچیندن بر سنه مدتله انتخاب ایدیلر ؛ بو ذات قوتنلغک « قونونه ر » ی یعنی طوبایان ، اجتماعه چاغیرانی عنوانینی آلیر .

قوتناق مجلسینک بورغلر داخلینده کی وظائف و خدماتی خلاصه شولردر :

نفوس مقداری ۲۰۰,۰۰۰ دن آزا اولان بورغلرده ، بعض استئنارله ، پولیس و بعضیلرینده طرق و معباری اداره ایدر ؛ مجرم چوجوقلرده محل مخصوص داخلینده یعنی اصلاحخانه ده قار و کندییه مخصوص پولیس اولمایان بورغلرده اتمالری حمایه ایدر ؛ نفوس مقداری ۵۰,۰۰۰ دن آزا اولان بورغلرک اوتوموبیل و شقه و سچل قیدلرینی یاپار ؛ پولیس بورغلرله نفوسی ۷,۰۰۰ دن آشاغی اولان اولان و ملت مجلسینه بر معوث انتخاب ایدمه یی بورغلرده ساری حیوان خسته لقلری قانونینک تطبیق احکامینه

نظارت ایدر . سرسریلک وعدم نظافت حقینده کی تعلیمات و مقرراتی بورغلرده مرعیدر ، فقط بو خصوصده شهر مجلسینک موافقتی شرطدر . پولیس بورغلری احتیاجاتینه باقاسی اعتباریله قوتناق مجلسی بولری قوتناق اراضیسینک بر جزوی کی مکفیته ربط ایدر .

قوتنقلر مجلسلری بورغلر خارجینده ، بوتون قوتناق ایچون ، محزه و مجانین باقیی ، تعلیم و تدریس ، مسکرات بایعلکی رخصتیه سیندن معدا بوتون محلی اداره ایشلرینک برنجی درجه ده کی وظائف و صلاحیتی احتوا ایدر . وظیفه خارجی عد اولونانلرده دولایسیله علاقدار اولارق معلولین و مجانین اداره سی و رخصتیه اموری ایچون مرخصلرینی تعیین ایلر .

بوخدمانک فعلاً ایقاسی ، بویوک مقیاسده ، برطاق معیت مأمورلرینه مودوعدر . آلتی یاخود دها زیاده ناحیه سی بولونان هر قوتناق محلی اداره شعباتینه یاخود قوتناق قضا لریته تقسیم اولونور . بولردن هر برینک محدود و معین بر ساحه قومیه سی اعضاسیندن مرکب بر قومیسونلری و هر ناحیه مجلسینک بر مثلی واردر . آلتی ناحیه دن آزمحقاتی اولان قوتنقلر ایچون بویولکی تقسیم اختیار ایدر .

برقوتناق بویله قضا لره منقسم اولمادیغی حالده قوتناق مجلسی بر قضا قومیسونی وظائف و صلاحیتی آلیر و بوراده ناحیه لر بوخدمات و صلاحیتدن دولای عینی صورتده قضا قومیسونلرینی تمثیل موقعینده بولونورلر . قضا قومیسونلری بولونقلری لک ، حفظ صحت عمومی و امور صحیه قانولرینک تطبیقیله مکلف و طرق و معبارینک باقیمیندن مسؤلدرلر . قضا قومیسونی قوتناق مجلسینک تنظیم ایتدیگی تعلیمات عمومییه توفیق حر کته و مجلس زندهه معاملات و حرکاتیندن حساب و ریسمه مجبوردر ؛ بونکله برابر کندی مأمورلرینی نصب و تعیین (بومأمورلرک معاشاتی بعض احوالده قوتناق مجلسینک تصدیقته عرض اولمقله برابر) ، کندی امورینی تنظیم ایدر و باقدهه خصوصی حساب آچار . شوقادار که نوورکی طرحیه ، نه استقراض عقیدنه ونده اراضی تملکینه صلاحیتی یوقدر . مکلفلر ، بعض استئنارله ، ایجابینده

قضا قوميسیونینک بر قراریدن دولای قونسلق مجاسینه مراجعت ایده بیلرلر .

قضالر داخلینده بالفرض « قانالیزاسیون » لر ، صو اسالهی ، تورلر ، چوب یاخود حمام تظیفاتی کی مختلف لزوم و احتیاجلر ایچون مناطق مخصوصه تشکیل ایدیلک جا زدر . بوالهده اصل تشبث قضا قومیسونینک بیله اولسه ، بر ناحیه مجلسینک یاخود مکلفلردن اون کیشینک طلبی اوزرینه بونلرک اجراسی بر معتاد قضا قومیسونیه عاقددر ، وکرک قانالیزاسیون کرک صواسالهیینه نظارتده قومیسونک وظیفه سیدر . قونسلق مجلسینک تصدیق شرط اولدینی کی هر مکلفکده « شریف » زدنیده رفع شکوایه حق واردر .

ایکینجی بر تقسیم ایله قضا تشبث ایدنجه اوراده ، قضا قومیسونینک و ناحیه لر مجلسلرله ، علاقهدار منطقه لر سکنه سینک مثلالرخی محتوی بر « محلی تالی قومیسون » تأسس ایددر . بومحلی تالی قومیسونلر ، امور و معاملاتینک حسابینی و بر مکمله مجبور بولونقلری قضا قومیسونلرینک قونترولی ایتینده درلر . اسقوجیاده بوقضالردن تقریباً ۷۰۰ قادر واردر . مختلط دائمی قومیسون ایسه قونسلق مجلسی اعضاسی و « شریف » ک التحاق ایتدیکی « مصارف قومیسونی » قومیسون اوف سوبله ی اعضالرینک (عددی یدینی کجه مک اوزره) مساوی عددده ترکیدن وجوده کایر . قونسلق مجلسی طرفدن سرمایه استعمالی واستقراض سندانی اخراجی کی اموره متعلق بوتون مسائلک بوقومیسونونه عرضی مجبوری و قومیسونک رأی نافذ و حاکمدر . بوقومیسون قونسلق پولیسینکده امریدر .

مالیه

انکلتورهده اولدینی کی بورا دده محلی اداره لک اصلی واردات منبعلری محلی املاک و برکیلرله دولتک معاونت تقدیه سیدر . قرالی و پارلمانتهر بورغلرک شهر مجلسلری عینی زمانده تقدیر قیمت مرجع لیدرلر . قونسلق مجلسی ایسه بوتون

قونسلق تقدیر قیمت مرجعی ، قضا قومیسونلرله محلی تالی قومیسونلرک و حتی بالذات قونسلقک احتیاجات و مصارفینی قیامق دولایسیله محلی و برکیلرینک و اضیعدر . قونسلق مجلسی معرفیه املاک اوزرینه طرح اولونایلان و برکیلرک یکنون مقداری ، حفظ تحت عمومیه و امور حجه نیکبیلر مستثنا اولق اوزره ، محدود ده کلددر . یالکیز عمومی بدل یعنی قیمت اعتباریه هر انکیلر ایراسینده بر شیبانی یکجه مه لیدر . کذا طریق بدل و صوابیه ، قضالرده تور و تظیفات ایچون آلان رسوم مخصوصه کده اسقوجیا حفظ تحت امور حجه اداره سینک وضع ایتدیکی حدی آناهق قبودی واردر .

بورغارده املاک و برکیلرینک یوزده نسبت عادیه سی هر انکیلر ایراسینده اوج شیلندر . تنظیم ایشاری ایچون ۳ (پنس) و لغملرله صو ایچون - اسقوجیا حفظ تحت عمومیه و امور حجه اداره سینک اذن شرطیه - ۳ شیلندر . حفظ تحت عمومیه و امور حجه احتیاجات عادیه سی ایچون بورغلرک و بریدی و برکیلرک نسبی ایسه هر ایراده بر شیلندر . برزاعی قومیسونک وظیفه و صلاحیتیه باید امور ایچون ناحیه مجلسلرینک طرح ایده چی و برکی هر ایراده آلتی « پنس » ولق اوزره تحدید اولونمشدر .

دولت دواژندن برینک قبولی مشروط ، یاخود خصوصی بر قانون ویا بر مساواله دن منبعث تحدید کی قبود استثناییه اولمادقجه قونسلق و بورغ مجلسلرینک عقد ایدمبیله جکاری استقراضلر مقدارینه برحد تعیین ایدیلک مشدر . قونسلقره عاقد اولانلرک دائمی مختلط قومیسونونه عرضی دائماً مجبوریدر . قاعده عمومیه کوره استقراضلر ۳۰ سنه ظرفنده اطفا ایدیلک لیدرلر .

تعلیم و تدریس اداره لری مکتبلر انشا و تأسیس ویا دیگر بر مقصد ایچون عقد ایدیه چی استقراضلری اسقوجیا تعلیم و تربیه دائره سینک قبول و تصدیقه عرض ایددر . بر ناحیه مجلسینک استقراض ایتدیکی مبالغتک مجموع مقداری فقرا و برکیسی مکلفیتی ایراد سنویسینک بشیده برنی تجماوز ایتدیکی تقدیرده یکی بر استقراض ایچون

اسقوجیا حفظ صحت عمومی و امور صحیه دائرہ سنک موافقتی استحصال شرطدر .

اسقوجیا ناک بعض قرالی بورغلرینده « ناحیه املاکی » نایله خصوصی بر تأسیس وارددر . بواملاک بورغه عائد اراضی و دیگر اموال دن ترکیب ایددر ، فقط هیچ بر زمان برورکی حاصلاتی فادہ ایتمز . بونا حیه املاکینک وارداتی بورغلر مجلسینک تنسیب ایتدیکی هر نوع اجراءات و تشبئات رسمیه قوللانیله بیلر ، باشقه تورلور مکتفیلری موجب اولاجق تدابیرہ مراجعت ایتمکسزین ، عقد ایدیلر جک استقرارله قرشی تأمینات اولارق کوستریکجه یازار . محاسبه مأمورلری قونشقلر و بورغلر ایچون « دولتک اسقوجیا کاتبی » طرفیندن ناحیه لر ایچون اسقوجیا حفظ صحت عمومی و امور صحیه دائرہ سیندن و تعلیم و تدیس اداره لر ایچون ده اسقوجیا تعلیم و تربیه دائرہ سی طرفیندن تعیین ایدیلر لر . قاعدۀ عمومی یه کوره بومأمورلر حساباتده بر مبنای رد ویرینه وضع و نقل صلاحیتی حائر ددر لر .

بعض خدمات عمومی تشکیلاتی

۱ - حفظ صحت و صحت عمومی

اولجه بیان ایدیلدیکی وجهله ، قونشلق مجلسینک بعض نفتیشانیه تابع قضا قومیسو نلریله بورغلر واسع صلاحیتی حائر اولوق اوزره حفظ صحت و صحت عمومی ناک آمر و مدیر ددر لر . ده لیلر و دماغی معلول چوجوقلرک محافظه سی ایچون قضا قونشقلر دائرہ لر ی تشکیل ایدیلشدر . بونلر قونشلق و شهر مجلسلری مئدار یله نواحی مجلسلرینک بر عدده قادار چقبا بیلن وکیللریندن مرکبدر . بو مؤسسهرک مصرقاری اهمیتلری درجه سینده قونشقلرله بورغلرینینده تقسیم اولونور و قونشقله بورغ حکومتلرینک محمللرینده وضع ایتدکاری بر ورکی ایله قاپاتیلر .

۲ - تعلیم و تدریس

استوچیا ده تعلیم و تربیه ایشاری ۱۸۱۲ دن ۱۹۱۸ تارینه قدار عمومیتله هر نایه و هر بورغ ده تشکیل

ایدیش اولان « مکتبلر اداره سی » نه مودوع ایدی . اسقوجیا ایچون ۱۹۱۸ ده نشر اولونان تدریسات قانونی بوس و تون یکی بر تشکیلات کتیرمشدی . هر قونشقلده ابتدائی و عالی تحصیللرک توحید استقامتی ایچون بر معارف مدیریتی تشکیل ایدیلدی . بونک دائرۀ فعالیت و صلاحیتی ، درت « مسجل بورغلر » خارج اولوق اوزره هر قونشقلک حاوی اولدینی بورغلر ده شاملدر .

معارف مدیرتک ، عددی « اسقوجیا کاتبی » طرفیندن هر معین حال و وقعه ایچون آریجه تنبیت ایدیلن اعضاسنی بلدیہ انتخاب هیئتلی انتخاب ایددر . انتخاب زمانینی تعلیم و تربیه دائرہ سی قرارلاشدیر . بونده علاقه دار مناطقک ایجابات و ترجیحلرینه دقت ایدیلر و هر دائرۀ انتخابیده ممکن اولدینی قادار اوج سنه لکدن فضله انتخاب یاپیلما ماسی اولی کورولور .

هر معارف مدیریتی کندی « مکتبلر اداره قومیسونی » دائرہ سی ایچون بر تشکیلات پروژہ سی یامغه مجبوردر . بو مکتبلر اداره قومیسونی چوجوقلرک ولیلری و معلملرینک وکیللریندن باشقه محلی عناصرک مرخصلرینی واز جمله شهر و ناحیه مجلسلرینک منلارینی جامعدر . مذکور پروژده ، تعلیم و تربیه ایله مشغول مسلک ارکانینک مختلف شعباتی تمثیله لایق معتبر ذاتلر دن مرکب بر استشاری مجلس تأسیسینده درپیش ایتک شرطدر . معارف مدیریتی ، مصرقاری و برکی واستقراض واسطه سیله قایار ؛ بونکله برابر وارداتینک مهم بر قسمتی « دولت معارف دائرہ سی » معرفتیه خزینهدن کلن معاونت نقدیه تشکیل ایددر .

۳ - طرق و معابر

قونشلق و بورغلر مجلسلری کندی حدودلری داخلنده کی بالعموم یوللارک هر صنف درجه سیندن مسئولدر لر ، قونشقلر ده بونلرک اداره سی و باقیمی قضا قومیسو نلرینه عائددر . قونشلق طرق و معابر اداره سی عنوانی قونشلق مجلسینک رسمی بر قومیسونی ، هر قونشقلده طرق و معابر

امور ومسائلی ایچون ، او قونشاق مجلسینک اجرا هیئت
اولارق حرکت ایدور .

۴ - معاونت اجتماعیه

بورغده اولسون قونشقدده اولسون معاونت اجتماعیه
خدمتینک یکانه مقامی ناحیه مجلسیدر . بو مجلس فقرا
ویرکیسینی اداره و معاونت اجتماعیه مخصوص ویرکی
طرح وجبات ایدور .

۵ - پولیس

نفوس مقداری ۲۰,۰۰۰ دن فضله اولان بورغلرله ،
سکنه سی ۷۰۰۰ دن زیاده و ۱۸۸۹ ده کندیته مخصوص
پولیس هیئت اولان بورغلرک پولیس آمری اورانک
شهر مجلسیدر ؛ قونشقلرده بو صلاحیت دائمی مختلط
قومیسونه ویریشدر . پولیسک مصرفی ، تضمینات
ومعاشاتی و شرائط استخدای ، انکاترده اولدینی کی ،
اسقوجیادهده همان کاملاً قانون ویا امرنامه لرله تعیین
وتأیید ایدیلشدر .

نتیجه

انکاتره واسقوجیانک محلی اداره اصوللری آراسینده کی
باشلیجه فرق اسقوجیاده قونشاق مجلسیله اواداری قونشاق
داخلینده بولونان دیگر شعبات اداره بیننده کی عضوی
بر ارتباطدر . شویله که قونشاق مجلسینه قارشی مسئول

اولان قضا قومیسونی او مجلسده قضا محاسبی رینه کچدیکی
کی بو قومیسونلر بر طرفدن قونشاق مجلسینک مثلثی
ایکن دیگر طرفدن ناحیه مجلسلرینک مثلثی اولورلر .

باشقه مهم فرقلر ده واردر که اولرده اسقوجیاده
تعلیم و تربیه نک منتخب یاخود منصوب بوس بوتون ایری
بر محلی تشکیلات ایله اداره اولونماسی ، ده لیلر ومعلول
چوچوقلر ایچون خصوصی اداره سی اولماسی ، ناحیه
مجلسلرینک ابتدائاً فقرا ویرکیسی ایشیله مکلف وبعض
استانلریله قونشقلر مجلسلرینک بورغلر طرق ومعارینک
هیچ بر قسمینده بر کونه قوتورولی اوناماسی و برده
قونشاق مجلسینک اواداری دائره داخلینده تقدیر قیمت
اموریه مکلف بولونماسی خصوصلیدر .

دیگر جهتن انکاتر اصول اداره تشکیلاتی حقنده کی
تعریفاتر بر چوق قترعائده اسقوجیا اصولیه تطابق
ایده بیایر .

مأخذلر :

« لوقال غووده رنمن نین سقوتلاند » مؤلفی : W.E. Whyte
(ادیمبورغ . W.Hodge et Co - ۱۹۲۵)

« سقوتیش لوقال غووده رنمن فینانس » مؤلفی :

Iawrie and Allan, Iaub, (بشنجی طبعی ۱۹۲۴ - لوندره

Charles Knight et Co) ذی لوقال غووده رنمن او ف

ذو نوینته د کینگ دوم » مؤلفی J.J. Clarke (اوچنجی

طبعی ۱۹۲۵ - لوندره - Piman and Sons)

مابعدی وار